



?Yaa sɪda, ad sã n wa beẽ, neb n na n zĩndi tɪ mam hadiis (gomd) wa tug n ta a nengẽ, t'a yaa sẽn kull a zaog zugu, n yetẽ : « ad tõnd ne yãmb suka yaa Wẽnd Gafã

Yii a Mikdaam [bn Ma'adiikarab -Wẽnd yard be a yĩnga- a yeelame: Wẽnd Tẽn-tuumã - Wẽnd puusg la A tulgr be a yĩnga- yeelame: «Yaa sɪda, ad sã n wa beẽ, neb n na n zĩndi tɪ mam hadiis (gomd) wa tug n ta a nengẽ, t'a yaa sẽn kull a zaog zugu, n yetẽ : « ad tõnd ne yãmb suka yaa Wẽnd Gafã bal n be d suka, bũmb ning tõnd sẽn mik Wẽnd Gafã pugẽ tɪ yaa halaalã, d na n maaname tɪ yaa halaale, la d sẽnmik a pugẽ tɪ yaa haraam d na n maaname tɪ yẽ yaa haraam, la hadiis ka pak tõnd ye, la b bãng tɪ bũmb ning Wẽnd Tẽn-tuumã -Wẽnd puusg la A tulgr be a yĩnga- sẽn harm-a, a yaa wala Wẽnd sẽn haram bala».

[Sahih/Authentic.] [Ibn Maajah]

Nabiyaamã -Wẽnd puusg la A tulgr be a yĩnga- kõta tõnd kibare, tɪ zãmaan n pẽnega, tɪ neb kõbg n na n zĩnd beenẽ, ned fãa kull a kugs zugu, tɪ Nabiyaamã, -Wẽnd puusg la A tulgr be a yĩnga- hadiis wa tug n ta a nengẽ, t'a yetẽ : « bũmb ning sẽn kaood buud tõnd ne yãmb suka yelã pugẽ, ad yaa Alkurãanã bala, a seka tõndo, tõnd sẽn mik bũmb ninga Alkurãanã pug tɪ yaa halaalã tõnd na n tuma ne rẽ, la d sẽn mik a pugẽ tɪ yaa haraam d na n zoe n zãag-a lame ». Rẽ poorẽ, tɪ Nabiyaamã -Wẽnd puusg la A tulgr be a yĩnga-vẽnega n wilg tõnd tɪ ad bũmb fãa gill Nabiyaamã sẽn harmã maa a gidgame, a Sunnã pugẽ, ad yẽnda buudo yaa wala Wẽnd sẽn gidg bũmb ningã A Gafã pugẽ, bala yaa Nabiyaamã la ned ning sẽn taasd a Soabã koεεgã.

<https://sunnah.global/hadeeth/mos/show/65005>

